

THRENODIA  
*Super*  
IMMATURO OBITU  
VIRGINIS  
NOBILITATE GENERIS ET VIRTUTUM  
SPLENDORE ORNATISSIMÆ  
ELISABETHÆ,  
NATAL.  
RYSSOPIÆ,

Anno 1685. die 4. Novembris  
honestissimè natæ,

Anno 1706. die 10. Augusti ex hac tristi lacrymarum valle  
in cœlestem æterni Regni gloriam placidissimè evocatæ,

& die 13. p. m. in Æde Mariana  
honorificentissimè humatæ,

*Luctus & debiti honoris ergo scripta*

à

PROFESSORIBUS GYMNI. THORUNIENSIS.

---

THORUNII,

Excudebat Johannes Conradus Rügerus, Nobiliss. Senatus & Gymnasii  
Typographus.



*Major felicitas est poli, quàm soli :*

Hieron. in Cap. V. Matth.

*Προεφώνησις ad beatè defunctam Virginem.*

**Q**uod Patre cordato genita es, quod Matre  
decorâ,  
Est magnum generis lumen utrumquè  
tui.

Quod Tibi forma decens fuerat, quod grata ve-  
nustas

E facie luxit luminibusquè simul;  
Fortunata quidem poteras felixquè putari,  
Atquè tenere bonas prosperitatis opes:  
Fortunata tamen magis es, *Lectissima Virgo*,  
Coeli divitias quod super astra tenes.

Quod Te non urunt culpæ, quod iusta, quod  
insons,

*Flumine* lota sacro, *Flamine* plena sacro.

Quod Tibi Sancta Trias genitor, quod Mater  
Olympus,

Quodquè Tibi frater Filius ipse DEI.

Hoc ipso es felix, hoc fortunata. Quod autem  
Mors Tibi crudeles intulit atra manus.

Hoc rursum poteras infortunata videri

His, quibus à vera mens aliena fide.

Sed quos irradiat divini jubaris astrum,  
Et divi Verbi pagina sancta docet

Te



Te fortunatam, Te dicimus esse beatam,  
*Elisabetha* pii portio chara chori.  
E mundi tenebris ad lucida tecta volasti  
Nescia curarum, nescia tristitiæ.  
In gremio Patris nostri pulcherrima ludis,  
Dulcia quin Sponsi conspicias ora tui.  
Hæc ad cor mittant solatia firma, quibus nunc  
Nil prodest luctus, nil lacrymæquæ valent.  
Si vel divitias orbis totius haberet  
*Virgo beata*, illas temneret ore sacro.  
Lugentes igitur inœstum deponite vultum,  
Filia vestra *soli*, Filia facta *poli* est.

*Inter concatenatos labores piæ memoriæ  
ergo deprop.*

M. MARTINUS Böhmi.

Esa. XL. v. 6. 7.

*Vox dicens, prædica, etiam dicit, quid prædicaturus sim:  
omnem carnem esse gramen etiam omnem benignitatem ejus  
similem esse flori agri. Exarcescit gramen, decedit flos,  
quum Spiritus Jehovæ perflat ipsum. Conf. Psal. XC. v. 6.*

**T**Empus adest, quo divinorum dicta Virorum  
Eventus certus vera fuisse probat.  
Vox fuit ista DEI quondam sanctique Prophetæ:  
Est omnis flos & gramen inane caro.  
Decedit appensus flos, exarcescit & herba:  
Deficit omnis odor, tollitur omne decus,  
In campis calido cum latrat Sirius astro,  
Vel Notus adversâ prælia fronte gerit.


Sunt



Sunt homines herbæ teneræ florique caduco  
Molle quoad corpus conditione pares.  
Est homini siquidem quandoque brevissima vita,  
Certius aut hoc in corpore morte nihil.  
Decidit ut campi flos, exarescit ut herba,  
Qui se crediderat vivere posse diu.  
Virgo fidem faciet dictis; quæ morte perempta  
Maturè rigida contumulatur humo.  
Flos fuit hæc, virtutum sat splendore corusca,  
NB Huic cordi curæque fuit nil pietate magis.  
Damnabat mundi luxum, consortia prava,  
Sirenum cantus, delicias vetitas.  
Gratus Ei solum vultusque habitusque verendus,  
Hinc ingratus erat fictus ab arte mala.  
Obsequio Viduas Aviam Matremque colebat,  
Ambarum fulcrum ritè futura diu.  
At nunc deplorata jacet spes omnis in urna:  
Vota tot evertit mors inopina simul.  
Decidit ut vernalis flos in flore juventæ,  
Aruit ut gramen Virgo pudica, pia.  
Nobilior longè tamen Hæc est floribus agri,  
Altera quæis nunquam vita vigorque datur.  
Hæc autem rursus Christo inclamante resurget,  
Et novus ex proprio pulvere surget homo.  
Quapropter nimios *Lugentes* ponite luctus,  
Si mortem ad vitam creditis esse viam.

L. p.

M. MARTINUS BERTLEFFIUS,



113487